

Lesedi ya BATHO


TSWANA - "Heart Guide"

Pelo Ya Motho

"Le gona ke tla lo naya pelo e ncha, ke tla tsenya moya o mocha mo teng ga lona:" Ezek. 36:26, 27.

Ha o bala lekwawana le, o ithuta le dikwalo tsa lona o tla bona pelo ya gago. Dumella lesedi la Modimo le le phatlalatsang lefifi, le go bontshe pelo ya gago. Dumela gore o na le dibe, o seka wa ganela gore di teng, gonne lefoko la Modimo le re bolella gore, "Ha re re ga re na bolelo bope, rea itsietsa, le boamarure ga boyo mo go rona, mme ha re ipolela dibe tsa rona, ona o boikanyo le tshiamo ya go re itshwarela dibe tsa rona le go re tlhapisa mo tshiamolong yotlhe." I John. 1:8, 9.

Ha o sa laolwe ke Satan, o laolwa ke Modimo: ha o se lekgoba la sebe, o modiredi wa Modimo. He sebe se laola bophelo ba gago, o seka wa loba, llela go Modimo. O tla go golola ka Jesu Kresete yo o na a tla mo lefatsheng go pholosa badira-dibe, le go fedisa mo go rona maatla a Satan le sebe. Ke ene thekololo ya rona. O eme fa pele ga Modimo yo o boitshepo, yo o bonang diphiri tsoitlhe, le megopolo le ditiro tse di fitlhlweng tsa bophelo joa gago. "Gonne matlho a Ona a mo ditseleng tsa motho, mme o bona metsamao yotlhe ya gagwe. Ga go na lefifi leha e le moriti wa loso kwa badiri ba boikepo ba ka iphitlang teng." Job 34:21, 22.



Mo **SETSHWANTSHONG SA NTLHA** re bona gore, "Pelo e boferere bogolo go dilo tsoitlhe, e botlhoko thata: ke mang yo o ka e itseng?" Jerem. 17:9. "Se se tswang mo teng ga motho, ke sona se se itshekololang motho. Gonne mo teng, mo dipelong tsa batho go tswa megopolo e e bosula, le dikgokafalo, le bogodu, le dipolao, le boaka, le bopelotshetlha, le boikepo, le tsietso, le bopepe, le leitlho le le bosula, le kgalo, le bopelompe, le bosilo. Dilo tsoitlhe tse di bosula di tswa mo teng mme di itshekolola motho." Mark 7:20, 21, 22, 23.

POU e kaya sebe sa boikgodiso, **PODI**, e kaya keletso ya mmele, e leng boaka, le kgokafalo, le go bapala ka mmele. **KOLOBE** e kaya dibe tsa lefifi le mejomegolo. **KHUDU** e kaya bonya, le tiego le boloi. **LENGAU** ke phologolo e pelompe, e kaya kilo, le kgalefo le bopelotshwane. **NOGA** e kaya lehufa. **SEGOGWANA** se kaya mega-

garu le thato ya madi e leng yona motswedi wa bosula botlhe. I Tim. 6:10. **SATAN** ke rra baaki botlhe le wa botlhe ba ba dirang maaka. **NALEDI** ke segakolodi se se mo pelong ya motho. Segakolodi se se kgotletswe, se bosula. **LEITLHO** la Modimo le bona tsoitlhe tse di mo pelong. Ga go sepe se se ka iphitlang leitlho la Ona le le bakaselang. **DITENGWANA TSA MOLLO** tse di potapotileng pelo di emetse lorato loa Modimo lo lo dikaganyeditseng pelo e e bosula. **MOENGELI** ke lefoko la Modimo. **LEPHOI** ke sekao sa moya o boitshepo.

SETSHWANTSHO SA BOBEDI se supa **PELO E E INYATSA**NG mme e simolola go batla Modimo. Motho yo, o simolola go tlhokomela molaetsa wa Modimo a bulele lorato loa Modimo pelo ya gagwe. Moya o o boitshepo o sedimose pelo, o phatlalatsa lefifi. Moengeli o tshotse chaka eleng lefoko la Modimo le "tlhaga le bogale go feta dichaka tsoitlhe tse di magale mabedi, le bofofo go






lemoga megopolo le maikaelelo a pelo.” *Hebr. 4:12*. “Ntlhatswe ditshiamololo tsotlhe, o tloisise maleo a me. Bopa pelo e e phepa mo go nna, O Modimo; O nchafatse moya o o siameng mo go nna.” *Psalms 51:2-10*.


SETSHWANTSHO SA BORARO se supa maemo a pelo ya **MOLEOFI** yo **SOKOLOGILENG** tota. Jaanong o bona bogolo le poitshego ya maleo a gagwe a mantsi, a ka baka la ona Jesu a suleng mo sefapaanong. O utlwa boinyatso jo bo tebileng, o tlhokofatswa ke mekgwa ya gagwe e e bosula.” Yehova o gaufe le ba ba pelo e phatlogileng, O boloka ba ba moya o ngomogileng.” *Psalms 34:18*. “Madi a ga Jesu Kresete, Morwa Modimo a tlhatswa dibe tsotlhe.” *I John 1:7-9*. “Mme motho ke youo yo ke tla lebang kwa go ena, ebong ene yo o humanegileng, a le moya o o ngomogileng, mme a roroma ka lefoko la me” *Isa. 66:2*. “Ha o tla ipolela ka molomo ha Jesu ele Morwa Modimo, o bo o dumela mo pelong ya ga-gore Modimo o mo tsoitse mo losong, o tla bolokwa.” *Rom. 10:9*.

SETSHWANTSHO SA BONE, se bua ka mokresete yo o bonyeng kagiso e e itekanetseng le thekololo ka boineelo joa Morena le Moloki wa rona Jesu Kresete; ga a sa tlhole a kgatlhwa ke sepe ha ese, “Ke sefapaano sa Morena wa rona Jesu, o lefatshe le mma-poletsweng ka ona, le nna ke bapoletswa lefatshe.” *Bagalatia 6:14*. Jesu o na a swa mo sefapaanong gore le rona “re swe ka ga dibe re tle re tshellele tshiamo.” *I Peter 2:24*. Re laolwa gore re, “tsamae ka moya, re seka ra diragatsa dithato tsa nama.” *Gal. 5:16, 25*. Ba bantsi ba ba ipitsang bakresete, ba rapela mo dikerekeng, ba ja selallo, ba opela dipina tse di bakang Modimo, mme ka ditiro tsa bona tse di maswe, ba bapola Kresete sesha ba sa fetse. Teng mo, re bona sekgwama sa madi a ga Judas, yo o na a oka Morena Jesu, a mo rekisa ka dipapetlana tsa solofera di le masome a mararo. Masole a a tsereng Jesu bosigo bouo a dirisitse lobone le diketane. Daese e e dirisiwang mo madaeseng e ne ya dirisiwa ke masole ge ba tshela bola go kgaogana diaparo tsa Morena Jesu. *Psalms 22:18*. Ba ne ba amoga Jesu dilo tsotlhe, mme ene ba mo gana, ba re, “ga re batle monna yo go re busa.”

Ka lerumo, masole a phunya letlhakore le pelo ya gagwe, mme, “ga tswa madi le metsi.” *John 19:33-37*. “Le lona lo ikae fela jalo



ha le sule kaga bolelo, mme lo tshellela Modimo mo go Kresete Jesu. Ke gona a bolelo bo se laole mo mmeleng oa lona o o nang le go swa.” *Barom. 6:11, 12*. “Gonne botshelo yoa lona bo hitlhlwe ke Kresete mo Modimong.” *Bakol. 3:3*.




SETSHWANTSHO SA BOTLHANO se supa **PELO E E TLHATSWITSWENG YA ITSHEPISIWA** ele ya moleofi yo o pholositsweng ke Modimo yo o humileng lesego le kutlwelo-botlho-ko. Pelo e, e fetogile tempele ya Modimo ka nnete, boago ba Modimo Rara, le Morwa le Moya o o boitshepo kafa tsholofetsong ya Morena Jesu, ge a re” “ha motho a nthata o tla tshegetsa lefoko la me, mme Rre o tla mo rata, mme re tla tla mo go ene, re dira bonno joa rona mo go ene.” *Johan. 14:23*.

Jaanong pelo ga e sale boago jo bo maswe joa sebe, e fetogile setlhare se sentle se se ungwang maungo a moya, eleng, lorato, thabo, kagiso, boingotlo, bopelo-telle, bonolo, molemo, tumelo, boikobo, boitshwaro le a mangwe a a itumedisang Modimo le batho. *Bagal. 5:22, 23*.

Mo setshwantshong se re bona moengeli a tlhagela gape. Bae-ngeli ba laoletse go direla batho ba ba tla ruang bophelo jo bo sa khutleng, ba dikaganyeditse ba ba boifang Jehofa. *Psalm 34:7*. Satan le ene o eme gaufi le pelo, a letetse nako e a ka boelang mo boagong ba gagwe joa pele. Ke ka mouo re gakollwang gore re dise mme re rapele ka go re, "mmaba wa rona, diabolo, o potologa jaaka tau e e dumang, a batla yo a ka mo metsang. *I Petero 5:8*. "A ga lo itse gore lo tempele ya Modimo, le gore moya wa Modimo o agile mo go lona." *I Bakur. 3:16; 6:19, 20*.

SETSHWANTSHO SA BORATARO se bontsha mokwenegi yo o tlhomolang pelo. Leitlho le lengwe la gagwe lea tswalega le supa go tsidifala le go otsela mo bophelong joa bokresete, le lengwe lona le perugile lea gadimaka le batla go ithatanya le lefatshe. Lese-di la mo gare le ngotlegile, disufo mo pelong, tsa maikemisetso a go boga le Kresete, di obame. Mocho yo, o dikaganyeditse ke di-thaelo, tse jaanong a di ineelang bonolo a sa tlhole a di lwantsha. Le ge a santse a tsamaya kereke, a apesa lerato la lefatshe ka kobo ya bodumedi, motho yo o tsidifetse mo pelong ya gagwe. Naledi ya pelo, ebong segakolodi, e fitsetse. Ga tlhole a rwalla sefapaano



ka boitumelo, se fetogile morwalo yo o bokete. "Disang, lo rapele, gore le se tsene mo thaelong, moya ona o tlhaga, mme nama e bo-koa." *Mathaio 26:41*. "Mme mosiami o tla tshela ka tumelo, mme ha a ikgogona, moya wa me o tla bo o sena kgatlhego mo go ene." *Baheb. 10:38*. "Gopolang mosadi wa Lota." *Luka 17:32*.


SETSHWANTSHO SA BOSUPA se supa pelo ya motho yo o setseng a tlogetse Modimo, o na a kile a bona lesedi, a mona mpho ya legodimo a le moamogedi wa moya o o boitshepo; jaanong o wele. Motho yo o kwalapatsang pelo ya gagwe o tla nna a senyegela pele le ge a ka leka maano otlhe go ithusa.

Kaga mokwenegi, Jesu ka sebele o tlhalositse maemo a gagwe ge a re, "Moya o o maswe ea re o dule mo mothong, o ralale dikaka o batla boikhutso, mme o re o sa bone bope o ithee o re, Ke tla boela kwa ntlung ya me, e ke duleng mo go yona, mme o re o fitlha o fitlhele e feetswe e baakantswe; Hong o ee o tsee meoya e sele e supa e e bosula bogolo go ona, mme e tsene, e age gona; mme bokhutlo joa motho youo bo befe bogolo go ga ntlha. *Luka 11:24-26*. "Go ba diragaletse kafa lefokong la ammarure le le reng, Nca e boetse matlhatseng a yona, le kolobe e e tlhapisitsweng e boetse mo go bidi-kameng mo seretseng. *2 Petero 2:22*.

Ha setshwantsho se, se nepile pelo ya gago sentle, tsala e e rate-gang, se diege, bula pelo ya gago o llele go Modimo. "Ona o nono-file go pholosa gotlhelele." Gompiyeno ha le utlwa lentse la Ona, se kgwaralatseng dipelo tsa lona." *Baheb. 4:7*. "Yo o reng a nntse a kgalemelwa a ithatafatse thamo (pelo), o tla robiwa ka tsoganetso, mme e tla bo ele mo go senang phodiso." *Diane 29:1*.

SETSHWANTSHO SA BOROBEDI se bontsha MOLEOFI YO O DIADIEGANG KGOTSA YO O PELO E KWALAPETSENG; o atametse lesa. Lesa (marapo a) le tllile le sa solofelwa, le sa batlege. Menate e e tsietsang ya sebe e fetile, mme motho yo, o lebagane le maduo a a kwa go dimo, a a boitshegang, a sebe. Diphegelo tsa molete dia mo tlamparela. Le ge jaanong motho yo a batla go rapela, thapelo ya gagwe ga e amane le Modimo ka a sa bolo go gana lorato loa Ona. "Maduo a sebe ke loso." *Baroma 6:23*. "Ke se se boitshegang go wela mo diatleng tsa Modimo o o tshedileng." *Baheb. 10:31*. "Mo bobipong, a tsholetse matlho a gagwe, a le mo ditlhokofa-tsong tse ditona." *Luka 16:19-31*.





SETSHWANTSHO SA BOROBONG se supa MOKRESETE YO O ITSHOKANG A BA A FENYA; o itshoketse diteko le dithaelo tse di molelo. Le ge diteko di mo dikile, ga a tsikinyege, o itshoka go ya bofelong, a le bogolo go mofenyi ka Jesu Kresete. Satan le matshweti a gagwe ba potapotile pelo ba leka go ntsha ngwana wa Modimo mo tseleng. Monna ke yo, o tshotse phafana ya bojalwa mo seatleng, o nntse a tloaka a dikologa Mokresete, o leka go mo raela ka menate ya lefatshe. Ka mokresete yo a bapotswe le Kresete ntlheng ya boleo, dithaelo tse ga di mo tsikinye maikutlo ka gope. **NALEDI** eleng segakolodi sa gagwe e phepa, ea phatsima. Sekgwama sa chelete se se bulegileng se bontsha gore ga se pelo fela e e neetsweng Modimo, madi a gagwe le ona a beilwe mo seatleng sa Modimo. **SENGGWE** le **TLHAPI** di supa gore motho yo, o pela ka bophepa le boitekanelo. Ga a itshilafatse ka dino tse di tagang.

BUKA E E BULEGILENG e supa gore Biblele e bulegetse motho yo, o e bala, a e ithuta ka malatsi otlhe.” Ke mang yo tla re kgao-ganyang le lorato loa ga Kresete? A ke pitlagano, kgotsa tlalelo e e mahehe, kgotsa pogiso, kgotsa tlala, kgotsa bosaikategang, kgotsa poitshego, kgotsa chaka? Nya, mo dilong tsothle tse, re gaisa bahe-nyiki ka ene yo o re ratileng.” *Barom. 8:35-37.* “Leha e le mang-mang yo o nnelang rure mo go ene ga a leofe. *I John 3:10.* “Gonne sengwe le sengwe se se tsetsweng ke Modimo se fenyi lefatshe, mme e ke yona phenyo e e fenyang lefatshe, ebong tumelo ya rona.” *I Johan. 5:4, 5.* “Re gaisa bafenyi ka Kresete yo o re ratileng. *Barom. 8:37.*

SETSHWANTSHO SA BOSOME se bontsha gore motho yo mo bophelong ba gagwe a neng a phela a tsamaya le Modimo, ga a boife loso. Ha nako ya gagwe ya go tlogela lefatshe e tla o tla tsamaya ka boitumelo, jaaka Paulo a re, “ke na le keletso ya go tsamaya, ke ya go nna le Kresete, gonne mo go molemo bogolo thata.” *Bafilip. 1:23.* “Mo ntlung ya ga Rre go na le manno a le mantsi mme ke tla tla gape, mme ke tla lo itsholela gore kwa ke gona le lona lo nne gona.” *John. 14:1-4.* “Ke dilo tse leilho le sekang la di bona, le tsebe e sekang ya di utlwa, le tse di sekang tsa tsena mo pelong ya motho, ebong dilo tsothle tse Modimo o di baakanyeditseng ba o ba ratang.” *I Bakur. 2:9.* “Go sego baswi ba ba swelang mo Moreneng, go simolola fano go ya pele. E, go bua Moya, gore ba bone tapologo mo letsapeng la bona, gonne ditiro tsa bona di ba setse morago.” *Ponatshego 14:13.* “O dirile sentle, motlhanka yo o molemo le boikanyo, tsena mo boitumelong joa Morena wa gago.” *Matha. 25:21.*

A re rapeleng:

O, Modimo, ke go atamela ka pelo ya me e e kwalapetseng, e tle-tse boleo. Ga ke na thata ya go e fetola. E tsee fela jaaka e nntse. Bopa pelo e e phepa mo go nna, O Modimo. E tlatse ka Moya wa gago o o boitshepo le ka lorato loa gago. Amen.



For **free** Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS
P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)